

ՄԱՐԶԱԿԱՆ

ԱՏՈՍ ԷԼԻԶԲԱՐՅԱՆԸ՝ ՎՐԱՍՏԱՆԻ ՎԱՍՏԱԿԱՎՈՐ ՄԱՐԶԻՉ



Վրաստանի բռնցքամարտի հավաքական մարզիչ, Ախալքալաքի շրջանի բռնցքամարտիկների հավաքականի երկարամյա գլխավոր մարզիչ Ատոմ Էլիզբարյանին բռնցքամարտի զարգացման, համաշխարհային եւ եվրոպական առաջնություններում մրցանակային տեղեր զբաղեցնող սաների պատրաստման գործում ներդրած նշանակալի ավանդի համար, Վրաստանի սպորտի նախարար Տարիել Խեչիկաշվիլու հրամանագրով շնորհվել է Վրաստանի վաստակավոր մարզի կոչում:

ոչ այսպես շուտ: Այժմ երագում եմ, որ մեր մարզիկները Օլիմպիական խաղերից հաղթանակած վերադառնան:

Ատոմը 44 տարեկան է, ծնվել է Ախալքալաքի շրջանի Կարտիկան գյուղում: Մանկուց զբաղվել է բռնցքամարտով: Դպրոցական տարիներին, երեք տարի շարունակ եղել է Վրաստանի չեմպիոն: Սովորել է Զայաստանի Վանաձորի մանկավարժական ինստիտուտի ֆիզկուլտուրայի ֆակուլտետում, ստացել մարզչի մասնագիտություն: Մասնակցել է տարբեր միջազգային մրցույթների: Զայաստանի չեմպիոն 1990թ. եւ 1993թ.

երիտասարդների ու մեծահասակների շրջանում: 1994թ. Եվրոպայի առաջնությանը նախապատրաստվելիս, նա ուղքի վնասվածք է ստանում եւ վերադառնում Ախալքալաքի: Արդեն 15 տարի է ինչ գլխավորում է Ախալքալաքի բռնցքամարտի հավաքականի մարզիչների թիւն իսկ 2008 թվականից մինչ այսօր Ախալքալաքի սպորտկենտրոնի տնօրենն է:

«Վրաստան» թերթը ի սրտե շնորհավորում է Ատոմ Էլիզբարյանին վաստակավոր մարզչի կոչման արժանանալու համար եւ մաղթում նորանոր հաջողություններ:

Նշենք, որ նորանկախ Վրաստանի պատմության մեջ Ատոմ Էլիզբարյանը 48-րդ մարզիչն է Վրաստանում, ով պարգևատրվել է այդ պատվավոր տիտղոսով:

«Վրաստան» թերթի թղթակցի հետ զրույցում նա ընդգծեց, որ այդ բարձր կոչումը պարտավորեցնող է:

- Այդ մասին խոսակցություններ կային, եւ սպասում էի, բայց

ԴԱՎԻԹ ՄԻԿԱՆՈՒԻ. «ԲԱՔՎՈՒՄ ՕԹԱՐ ԵՐԱՆՈՍՅԱՆԻՑ ՈՒԺԵՂ ԲՈՆՑՔԱՄԱՐՏԻԿ ԶԿԱՐ, ԲԱՅՑ...»



Ադրբեջանի մայրաքաղաք Բաքվում անցակացվեց աշխարհի ուժեղագույն բռնցքամարտիկների որակավորման մրցաշար, որի հաղթողները հուլիսին արժանացան Ռիո Դե Ժանեյրոյի Օլիմպիական խաղերին մասնակցելու ուղեգրի:

Բայց ռինգի կենտրոնում, ռեֆերին բռնելով Օթարի եւ Զակյանի ձեռքերը, երկար ժամանակ չէր հայտարարում հաղթողին, ինչ-որ բան էր կատարվում, եւ ահա մասպասելիորեն հայտարարում են,- հաղթող ճանաչվեց Էրսեկերը (Քատար):

Ի՞նչ պատահեց,- այս հարցով «Վրաստան» թերթի թղթակիցը դիմեց Վրաստանի հավաքականի գլխավոր մարզիչ Դավիթ Ծիկլաուրուն:

- Ապշած էին ոչ միայն մեր երկրի պատվիրակության անդամները, ապշած ու զժված էին 25 երկրների մարզիկներն ու մարզիչները, բոլոր Օթարի համոզիչ

հաղթանակի ականատեսներն էինք: Խոշոր մրցումներին արդեն երկրորդ տարին է, ինչ արգելվել է բողոքարկման պրակտիկան,- ասաց Ծիկլաուրին,- բայց սույն պարագայում, Միջազգային Օլիմպիական կոմիտեի (ՄՕԿ) նախագահի անունով, Բաքվում տեղի ունեցած անարդարության կապակցությամբ, բողոքներ են ուղարկվել Վրաստանի Օլիմպիական կոմիտեի, Վրաստանի բռնցքամարտի ֆեդերացիայի եւ Վրաստանի սպորտի եւ երիտասարդության նախարարի կողմից:



ERSEKER Hakan				
ERANOSYAN OTAR				
	R1	R2	R3	Total
JA	10:9	8:10	9:10	27:29
JB	9:10	9:10	9:10	27:30
JC	10:9	9:10	9:10	28:29

Մենք հուսով ենք, որ ՄՕԿ-ը արդարությունը կվերականգնի եւ Օթար Երանոսյանին կներկայացնի մեր երկրի բռնցքամարտիկներին Օլիմպիական խաղերում:

ԱՄԱՆՃԻՄԵՆԻՆԵՐ ԶԱՍՄԻԿ ՄԱՐԳԱՐՅԱՆԸ, ԱՆԴՐԱՆԻԿ ՄԱՏԻՆՅԱՆԸ ԵՎ ՌՈՒԴԻԿ ՄԻՆԱՍՅԱՆԸ՝ ՎՐԱՍՏԱՆԻ ԶԵՄՊԻՈՆ

Թբիլիսիում եզրագիծը հատեց երկրի թեթև աթլետիկայի առաջնությունը: Մրցաշարին մասնակցում էին Վրաստանի բոլոր տարածաշրջանները ներկայացնող մարզիկ-մարզուհիներ, ինչպես նաև հյուրեր հաղթան երկրներից, մասնավորապես Զայաստանից:



Ռուդիկ Մինասյան



Հասմիկ Մարգարյան



Անդրանիկ Մատինյան

Ինչպես մեզ հետ զրույցում նշեց Ախալքալաքի թեթև աթլետիկայի թիմի գլխավոր մարզիչ եւ տեղի մարզադպրոցի տնօրեն Զիգմունդ Զիլբերշտեյն-Մկոյանը, առաջնությանը առանձնակի հաջող ելույթ ունեցավ Ախալքալաքի հավաքականը, այն իր ակտիվում, ընդհանուր առմամբ, գրանցեց 3 ոսկե, մեկ արծաթե եւ մեկ բրանզե մեդալ:

800 մետր վազքում Վրաստանի

նի չեմպիոնի կոչմանն արժանացավ ախալքալաքի Անդրանիկ Մատինյանը: Ռուդիկ Մինասյանը ուժեղագույնն էր 3000 մետր վազքում: Կանանց մրցաշարի 800 մետր վազքում առաջնության ոսկե մեդալը շնորհվեց ախալքալաքի Հասմիկ Մարգարյանին:


Ռուդիկ Մինասյանը 1500 մետր վազքում արժանացավ արծաթե մեդալի, իսկ Անդրանիկ Մատինյանը՝ 400 մետր վազքում իր ակտիվում գրանցեց բրոնզե մեդալ:

Առաջնությանը թբիլիսից Արթուր Զարությունյանը զնդի իր ման վարժությունում նվաճեց բրոնզե մեդալ:

Մրցաշարին մասնակից հայաստանցի մարզիկներից Ռոման Ալեքսանյանը 400 մետր արագեւալվազքում արժանացավ ոսկե, իսկ 400 մետր վազքում՝ բրոնզե մեդալի:

ԳՐԱԿԱՆ ԺԱՌԱՆԳՈՒԹՅՈՒՆ

«ՆԱՄԱԿՆԵՐ ՄՏԵՖԱՆ ՃՎԱՅԳԻՆ»



Վրաց գրականության դասական Գրիգոր Ռոբաքիձեի (1880-1962: 1931-ին տեղափոխվել է Գերմանիա, ապա՝ Շվեյցարիա, որտեղ եւ կնքել է իր մահկանացուն)՝ ավստրիացի մեծանուն նովելիստ Ստեֆան Ցվայգին (1881-1942) գրած նամակների ընտրանին ամփոփող այս խորագրով գրքի շնորհանդեսը կայացավ Վրաստանի խորհրդարանի ազգային գրադարանում:

Վտարանի դասականի համաշխարհային մակարդակի գրական ժառանգությունը օրավոր է՛լ ավելի հետաքրքիր, արժեքավոր եւ մշակութամասատ էջեր է բացում ընթերցողների առջեւ: Եվ դեռեւս իր կենդանության օրոք Եվրոպայում, մասնավորապես Գերմանիայում մեծանուն հռչակված Ռոբաքիձեի անունը եւ գործը դառ-

ա Փուրցելածեն: Զանդիպման ընթացքում հնչեցին կարծիքներ գրքի, եւ ընդհանրապես Ռոբաքիձեի ու վրաց գրականության մասին: «Վրաստան» թերթի խմբագիր Վան Բայբուրթյանը ընդգծեց, որ Ռոբաքիձեի ծանոթությունը եւ նամակագրական կապը Ստեֆան Ցվայգի հետ արդեն խոսում է այն մասին, որ մեծ է վրաց գրականությունը եւ համաշ-



1929 թվական: Երեւան: Վրաց գրողներին հյուրընկալել են հայ գրողները:

նում է հետազոտողների, թարգմանիչների եւ գրականագետների հատուկ ուշադրության առարկան: Այս իրողության փայլուն ապացույցն է հենց վերոնշյալ գիրքը, որ «Անհայտ Գրիգոր Ռոբաքիձե» հրատարակչական նախագծով լույս է ընծայել Թբիլիսիի «Արտանուշի» հրատարակչությունը: Նախագծի հեղինակն է ճանաչված գրականագետ, «Արտանուշի» հրատարակչության գլխավոր խմբագիր Զվիադ Կվարացխելիան, կազմողը, զերմաներենից թարգմանիչը, ծանոթագրությունների եւ առաջաբանի հեղինակը՝ Նաթիա Փուրցելածեն:

Շնորհանդեսը գրադարան էր բերել Ռոբաքիձեի ստեղծագործության երկրպագուների՝ գրողների, թարգմանիչների, քաղաքական-հասարակական գործիչների, լրագրողների: Գիրքը ներկայացրեցին Զվիադ Կվարացխելիան եւ Նաթի-

խարհային հռչակ է վայելում, ինչպես եւ ինքը Ռոբաքիձեն: Նա նշեց, որ Գրիգոր Ռոբաքիձեի «Զայաստան» էսսեն Անահիտ Բոստանջյանի թարգմանությամբ տպագրվել է ինչպես «Վրաստան» թերթում, այնպես էլ Զայաստանում՝ առանձին գրքով եւ արժանացել ընթերցողների ու գրականագետների ջերմ ու բարձր գնահատանքին:

Անահիտ Բոստանջյանն իր հերթին, շնորհակալություն հայտնեց այս գրքի հրատարակության համար՝ գոհունակություն հայտնելով, որ Ստեֆան Ցվայգին գրած նամակներից մեկում Ռոբաքիձեն նշում է 1929-ին վրաց գրողների պատվիրակության կազմում իր Զայաստան այցելության պատմական փաստը, ինչպես նաև գրքում զետեղված արժեքավոր խմբանկարի համար:

ԱՆԱԴԻՏ ԱՐԱՐՅԱՆՅԱՆ

Ստորեւ ներկայացնում ենք մի հատված «Զայաստան» էսսեից:

ԳՐԻԳՈՐ ՌՈԲԱՔԻԶԵ

ԱՐԱՐԱՏԸ

Ետեւում թողեցինք Սեւանը:

Ուղղվեցինք դեպի Երեւան:

Անվերջանալի դաշտեր են:

Ահա եւ ծյունափառ Արարատն իր որդու հետ:

Արարատից վեհանիստ լեռ էլ կա: Օրինակ՝ մեր Դաքեթին: Սակայն Արարատի մեջ ինչ-որ անկրկնելի բան կա: Նա էլ է վեհանիստ:

- Բայց մենակ է, ահա եւ ամբողջը:

Այս մենությունն ավելի է ընդգծում «փոքր Արարատը», որդին ասես զգում է, որ ծերացել է հայրը, օգնության կարիք է զգում: Ու կանգնել է կողքին՝ հեռու-մոտիկ: Սակայն հայրը դեռ պինդ է եւ թուլություն չի զգում:

Եվ մենա՛կ է, մենա՛կ:

Թվում է, թե մոտ է նա: Մինչդեռ որքան մոտենում ես, նա քեզ այնքան ավելի հեռու է տանում:

Թվում է, թե ահա էքսկուրսիայի կճանապարհվես ու երեկոյան կլինես կատարին: Բայց Արարատը ձգվում է վե՛ր ու վե՛ր: Այս առումով Արարատը արվեստի հանճարեղ ստեղծագործություն է՝ ե՛ւ «մոտ», ե՛ւ «հեռու», ե՛ւ «պարզ» ե՛ւ բարդ:

Նա ունի «նախաստեղծ» բնույթ եւ, իրոք, սերում է «Գոյի» գրքից. երազող մեկը հիմա էլ կարող է մի պահ պատկերացնել ջրի մակերեսույթը ստուգելու համար Նոյան տապանից թռած աղավնիներին:

Երբ մայում ես Արարատին, ներելի է թվում այդ պատրանքը: Մի գիծ եւս:

Արարատն ամուլ է: Նրա խորքաշերտերում օձերի վտառներ են եղել: Ամուլ է, քանզի, երեւի, չի հոգում «ապագայի» մասին:

Երեւան-Թբիլիսի, 1927թ.

Գ. Չոբանյան

իմուճան - է՛, տղա ջան, սկի
ես էդքան չեմ մեծացել...

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՀՈՒՍԻ ՊԱՊ ՖՐԱՆՑԻՍԿՈՍ. «ՕՐԶՆԵՅԵՔ ԻՆՁ ԵՎ ԿԱԹՈՒԿ ԵԿԵՂԵՑԻՆ...»

(Սկիզբը՝ 1-ին էջում)

Մայր Աթոռ Սուրբ Էջմիածնում երկու քահանայապետների մասնակցությամբ մատուցվեց Սուրբ պատարագ:

Հռոմի Սրբազան քահանայապետ Ֆրանցիսկոս Պապի այցի առիթով Մայր Աթոռ Սուրբ Էջմիածնում մատուցված պատարագի ընթացքում, Ն.Ս.Օ.Տ.Տ. Գարեգին Բ Ամենայն Հայոց կաթողիկոսը հայրապետական իր խոսքում նշեց. «Այսօր Սուրբ պատարագի արարողության ենթ համախմբվել՝ աղոթակցությամբ Հռոմի Սրբազան քահանայա-

պետ, Մեր սիրեցյալ եղբայր Ֆրանցիսկոս Պապի: Շնորհաշատ այս օրը գոհունակություն է Մեզ համար վերստին հայտնել մեր շնորհակալությունը Ֆրանցիսկոս Պապին եղբայրական իր այցի առիթով: Մենք եւ մեր ժողովուրդը միշտ պիտի աղոթենք Ձեզ համար, սիրեցյալ եղբայր, եւ ի սեր մարդկության բարօրության ու խաղաղ կյանքի եւ Քրիստոսի Սուրբ եկեղեցու պայծառության Ձեր ջանքերի համար: Ձեր ամենօրյա աղոթքներում հիշեք հայ ժողովրդին, հայոց երկիրն ու Հայ եկեղեցին, Մայր Աթոռ

Սուրբ Էջմիածինը»:- ընդգծեց Հայոց Հայրապետը:

Մայր Աթոռ Սուրբ Էջմիածնում մատուցած պատարագին իր խոսքում Հռոմի Ֆրանցիսկոս Պապը, մասնավորապես, նշեց. «Այս հույժ ցանկալի եւ ինձ համար արդեն անմոռանալի այցի զագաթնակետին, ուզում եմ Տիրոջը բարձրացնել իմ շնորհակալությունը: Այս բոլորի համար շնորհակալ եմ Տիրոջ, ձեզ համար եւ ձեզ հետ. Փառք Աստծո:

Ամենաբարձրյալի օրհնությունը առատորեն իջնի երկիր՝ Աստվածամոր, մեծ սրբերի եւ վարդապետների, մար-

տիրոսների եւ հատկապես բազմաթիվ նահատակների բարեխոսությամբ, որ անցած տարի այս վայրում սրբադասեցիք:

Այս սրբատեղիից կրկին սփռվի ճաճանջափայլ լույսը. այս երկրի լուսավորիչին՝ ձեր Ավետարանի Հոր՝ Սուրբ Գրիգորի հավատի լույսին միանա սիրո լույսը, որ ներում եւ հաշտվում է: Իսկ այժմ, Սրբություն, Աստծո անունով, խնդրում եմ, որ Ինձ օրհնեք, օրհնեք Ինձ եւ Կաթոլիկ եկեղեցին, օրհնեք մեր այս ընթացքը՝ դեպի կատարյալ միություն»:

ՄԵՐԺ ՍԱՐԳՍՅԱՆԻ ՀԵՐԱԽՈՍԱԶՐՈՒՅՑԸ ԱՄՆ ՊԵՏԶԱՐՏՈՒՊԱՐ ԶՈՆ ԶԵՐԻԻ ՀԵՏ

Հայաստանի նախագահ Սերժ Սարգսյանը հունիսի 30-ին ամերիկյան կողմի նախաչեռնությամբ հեռախոսազրույց է ունեցել ԱՄՆ պետքարտուղար Ջոն Զերիի հետ:

Ձրույցակիցներն անդրադարձել են ԵԱՀԿ Մինսկի խմբի համաձայնագրից երկրների միջնորդությամբ Լեռնային Ղարաբաղի հակամարտության կարգավորման բանակցային գործընթացի վերջին զարգացումներին, մասնավորապես՝ Վիեննայում եւ Սանկտ Պետերբուրգում կայացած հանդիպումների ժամանակ ձեռքբերված պայմանավորվածությունների իրականացման ընթացքին:

ՀԱՆԳՐԱՊՈՒՄ ՆԱԽԱԳԱՀԻ ՆԵՍԱԳԱՅՐՈՒՄ

Հայաստանի նախագահ Սերժ Սարգսյանը ընդունել է Ամերիկայի Միացյալ Նահանգների պետքարտուղարի Եվրոպայի եւ Եվրասիայի հարյերով փոխտեղակալ Բրիջիթ Բրինքին:

Հանդիպմանը զրույցակիցներն անդրադարձել են երկու երկրների միջեւ տնտեսական կապերի խորացման, Հայաստանում իրականացվող բարեփոխումներին, Հայաստան-Եվրամիություն համագործակցության զարգացման ուղղությամբ իրագործվող քայլերին եւ փոխադարձ հեղաբերությունները կայացնող այլ հարյերին:

ՄԵՐԺ ՍԱՐԳՍՅԱՆԻ ՑԱՎԱԿՑԱԿԱՆ ՀԵՌԱԳՐԻՔ՝ ՌԵՁԵԾ ԹԱՅԻԾ ԵՐՊՈՂԱՆԻՆ

Հայաստանի նախագահ Սերժ Սարգսյանը հունիսի 29-ին ցավակցական հեռագիր է հղել Թուրքիայի Հանրապետության նախագահ Ռեջեփ Թայյիպ Էրդողանին՝ հունիսի 28-ին Սյամբուլում տեղի ունեցած ահաբեկչության կապակցությամբ, որը մի քանի տասնյակ անմեղ զոհերի եւ հարյուրից ավելի վիրավորների պատճառ է դարձել:

ՀԱՅԱՍՏԱՆ-ՆԱՏՕ. ՆՈՐ ՄՈՏԵՃՈՒՄՆԵՐ ՈՒՋԱՄԱԿԹԱԿԱՆ ՈՒՈՐՏՈՒՄ

Հայաստան-ՆԱՏՕ պաշտպանական համագործակցության շրջանակներում, հունիսի 27-30-ը Հայաստանի պաշտպանության նախարարության վարչական համալիրում անցկացվեց կրթության բնագավառի մասնագետների հերթական ամենամյա համաժողովը, որին մասնակցեցին Հայաստանի ռազմաուսումնական հաստատությունների պրոֆեսորադասախոսական եւ ուսումնամեթոդական կազմի ներկայացուցիչներ: Պաշտպանական ակադեմիաների եւ անվտանգային հեղազոտությունների ինստիտուտների Գործընկերություն հանուն խաղաղության կոնսուլցիոն մասնագետների եւ պաշտպանության նախարարության համատեղ կազմակերպած միջոցառումը նվիրված էր խառը, ակտիվ եւ վերափոխումային ուսուցման եղանակներին ու մեթոդներին:

ՆԱԽԱԶԵՏՐՈՒՄ ԵՆ ՀԱՆԳՍՏԱՆԱԼ ԵՎՐՈՊԱԿԱՆ ԵՐԿՐՆԵՐՈՒՄ

Հայաստանի քաղաքացիներն այս տարի ավելի շատ նախընտրում են հանգստանալ Եվրոպական երկրներում: Ձրոսաշրջային գործակալությունների շրջանում անցկացրած փոքրիկ հարյումը ցույց տվեց, որ առաջին տեղում Եվրոպան է: Հայերը նախընտրում են իրենց ամառային հանգիստը վայելել Իտալիայում, Իսպանիայում, Հունաստանում, ինչպես նաեւ Կիպրոսում: Ձրոսաշրջային ընկերություններում նշեցին, որ միշտ էլ Եվրոպական երկրների նկատմամբ հեղաբերություն եղել է պարզապես այս տարի որոշակի ակտիվություն է նկատվում: Դեպի Եվրոպա ուղղություններով ինչպիսիք գնային տարբերություն կա Վրաստանի համեմատ: Հարյին ի պատասխան ընկերություններում նշեցին, որ կան չվերթեր, որոնք նույնիսկ Վրաստանի համեմատ են էժան:

ԵԱՀԿ ԳՈՐԾՈՂ ՆԱԽԱԳԱՀԸ ՀԱՅԱՍՏԱՆՈՒՄ

Հունիսի 29-ին Գերմանիայի արտաքին գործերի նախարար, ԵԱՀԿ գործող նախագահ Ֆրանկ-Վալտեր Շտայնմայերը պաշտոնական այցով ժամանեց Հայաստան:

Նույն օրը կայացավ նրա հանդիպումը Հայաստանի նախագահ Սերժ Սարգսյանի հետ: Հանդիպմանը Սերժ Սարգսյանը եւս մեկ անգամ շնորհակալություն հայտնեց Գերմանիայի Բունդեսբազի կողմից ընդունված Հայոց ցեղասպանությունը ճանաչող եւ դատապարտող բանաձեռի համար:

Հանդիպմանն անդրադարձ է եղել ԵԱՀԿ Մինսկի խմբի համաձայնագրից երկրների միջնորդությամբ ԼՂ հակամարտության կարգավորման բանակցա-

յին գործընթացի ներկա փուլին եւ գործընթացն առաջ մղելու հնարավորություններին ու հեռանկարին:

Ջրուցակիցները քննարկել են նաեւ Հայաստան-Եվրամիություն համագործակցությանը վերաբերող հարցեր:

Ֆրանկ-Վալտեր Շտայնմայերը հանդիպումներ ունեցավ նաեւ Լեռնային Ղարաբաղի Հանրապետության նախագահ Բակո Սահակյանի, Հայաստանի ԱԳ նա-



խարար Էդվարդ Նալբանդյանի հետ: Հանդիպումներում քննարկվել են շփման գծում միջադեպերի հետաքննության մեխանիզմների մշակման եւ ներդրման, ինչպես նաեւ ԵԱՀԿ նախագահի ներկայացուցչի գրասենյակի ընդլայնման հետ կապված հարցեր:

ԽՈՐՀՐԴԱԿՈՒԹՅՈՒՆ՝ ՎԵՐԻՆ ԼԱՐՍՈՒՄ ՍՏԵՂԾԱԾ ԻՐԱՎԻՃԱԿԻ ՀԱՐՅՈՎ



Խորհրդակցությանը Հայաստանի արտակարգ իրավիճակների նախարար Արմեն Երիցյանը գեկուցել է Վերին Լարսի անցակետ տանող ճանապարհին ստեղծված օպերատիվ իրավիճակի մասին:

կերների հետ: Նշվեց, որ վրացական կողմը լայն թափով շարունակում է Վերին Լարս տանող ճանապարհի վերականգնողական աշխատանքները:

Նշեց նաեւ, որ Հայաստանի վարչապետ Հովիկ Աբրա-

Հայաստանի վարչապետ Հովիկ Աբրահամյանի գլխավորությամբ կառավարությունում տեղի է ունեցել խորհրդակցություն:

Նախարարը տեղեկացրեց, որ ամենօրյա կապի մեջ է գտնվում իր վրացի գործըն-

համյանը դիմել է Ռուսաստանի Դաշնության իր գործընկերոջը՝ Դմիտրի Մեդվեդեւին՝ Վերին Լարսի անցակետի ռուսական հատվածում ստեղծված իրավիճակի առնչությամբ:

Հաշվի առնելով այն հանգամանքը, որ անցակետում մեծ թվով մարդիկ են կուտակվել՝ հիմնականում ընտանիքներ՝ երեխաներով, հղի կանանցով, տարեցներով՝ Հովիկ Աբրահամյանը դիտարկել է

ստեղծված պայմաններում անցակետում կուտակումների խնդիրն ավիափոխադրումների միջոցով լուծում տալու հարցը: Պայմանավորվածության համաձայն, ՌԴ ԱԻ նախարարության ինքնաթիռը հունիսի 30-ին սկսեց Հայաստան տեղափոխել Լարսի անցակետի փակման հետևանքով Հայաստան մուտք գործելու հնարավորությունից զրկված Հայաստանի քաղաքացիներին:

ՀՈՒԼԻՍԻ 5-ԻՆ ԻՍՐԱՅԵԼԻ ԽՈՐՀՐԴԱՐԱՆԸ ԿԶՆԱՐԿԻ ՀԱՅՈՑ ԳԵՂԱՍԿԱՆՈՒԹՅԱՆ ՀԱՐՅՈՎ

Հունիսի 5-ին Իսրայելի խորհրդարանում կքննարկվի Հայոց ցեղասպանության հարցը: Այս մասին ասել է Իսրայելցի հայտնի գիտնական, Հոլոքոստի եւ Ցեղասպանության ուսումնասիրության, ռասիզմի եւ ժամանակակից հրեագիտության փորձագետ, Ջորյան ինստիտուտի խորհրդի անդամ Յաիր Սուրոն:

«Իսրայելը խուսափել է Հայոց ցեղասպանության ազատ քվեարկության վերաբերյալ հանրային քննարկումների անցկացումը թույլատրելուց՝ ԱՄՆ եւ Իսրայելի գլխավոր դաշնակից Թուրքիայի կառավարությունից օտարամալու վախից ելնելով: Ոչ ոքի համար էլ զաղուհիք չէ, որ Իսրայելի դիրքորոշումը, կապված Հայոց ցեղասպանության հետ, չափազանց հակասական է, ինչի համար կան շատ պատճառներ, այդ թվում նա-

եւ դիվանագիտական: Ժամանակակից Թուրքիան հանցագործը չէ, սակայն այն Օսմանյան կայսրության բոլոր իրավունքների եւ պատասխանատվությունների իրավական ժառանգորդն է», - ասաց Յաիր Սուրոն:

Նրա խոսքով, հատկապես Գերմանիայի կողմից Հայոց ցեղասպանության ճանաչումից, ինչպես նաեւ օրենս թուրքիայի հետ դիվանագիտական կապերը թարմացնելուց հետո Իսրայելը պետք

է հստակեցնի իր դիրքորոշումը՝ կապված Հայոց ցեղասպանության հարցի հետ:

«Ինձ համար դժվար է ընդունել Իսրայելի երկակի ստանդարտները եւ որպես իրեա, եւ որպես գիտնական: Դժվար է տեսնել, թե՛ Հոլոքոստի պատճառով առաջացած կարեկցանքի վրա հիմնված Իսրայելի առեւտուրը, թե՛ միեւնույն ժամանակ մյուսների ցեղասպանության ժխտումը»,- ընդգծեց նա:

Մայիսի 16-ին Իսրայելի խորհրդարանի խոսնակ Յուլի Էդլստեյնը կոչ էր արել կառավարությանը ճանաչել Օսմանյան Թուրքիայի կողմից իրականացրած Հայոց ցեղասպանությունը:

ՖՐԱՆՍԻԱՅԻ ԿԱՌԱՎԱՐՈՒԹՅՈՒՆԸ ՆԵՐԿԱՅԱՅՐԵԼ Է ՀԱՅՈՑ ԳԵՂԱՍԿԱՆՈՒԹՅԱՆ ԺԵՏՈՒՄԸ ՔՐԵՍԿԱՆԱՅՆՈՂ ՕՐԻՆԱԳԾԻ ՏԵՔՍՏԸ

Ֆրանսիայի կառավարությունը ներկայացրել է Հայոց ցեղասպանության ժխտումը քրեականացնող օրինագծի տեքստը: «Ցեղասպանությունների եւ մարդկության դեմ հանցագործությունների ժխտումը քրեականացնող օրենքի նախագծի» տեքստը՝ համապատասխանում է Հավասարության եւ քաղաքացիության օրինագծի տեքստին, որը քննարկվում է Ազգային ժողովում:

Ֆրանսիայի հայկական կազմակերպությունները հա-

մակարգող խորհուրդը ողջունել է կառավարության նախաձեռնությունը, որը համապատասխանում է Ֆրանսիայի նախագահի ստանձնած հանձնառություններին: «Մենք հույս ունենք, որ օրենքի նախագիծը կընդունվի արդեն այս տարի: Մենք

կոչ ենք անում խորհրդարանական բոլոր ուժերին համախմբվել այս փոխհամաձայնեցված տեքստի շուրջ»,- ասված է Ֆրանսիայի հայկական կազմակերպությունները համակարգող խորհրդի հայտարարության մեջ:

ԵԿԵՂԵՑԱԿԱՆ

2.07.2016. *Հիշատակ հին տապանակի եւ նոր Սուրբ Եկեղեցու տոն*

ՀՈՒՆԻՍ

պոթյուն Տեառն մերոյ Յիսուս Քրիստոսի

3.07.2016. *Վարդավառ: Պայծառակեր-կության օր*

ԱՎԻԱՓՈԽԱԴՐՈՒՄՆԵՐ

ՏՈՄՍԸ ՔՈՒԹԱՅԻՄԻՆՆԻ ՍԱԼՈՆԻԿԻ՝ 15, ԻՍԿ ՄԻԼԱՆ՝ 30 ԵՎՐՈ

WizzAir ավիաընկերությունը հաճախորդներին առաջարկում է 15 եվրո գումարով օգտվել Քուբայի-Սալոնիկի եւ դեպի Միլան 30 եվրո արժողության ուղեւորությունից: Այդ մասին ճշված է ավիաընկերության կայքէջում: Ավիատոմսերի նման գներից կարելի է օգտվել ընթացիկ տարվա հոկտեմբերից:

Արդեն հայտնի է դարձել, որ WizzAir ընկերությունը Քուբայիսի միջազգային օդանավակայանում աշնանը բացելու է իր առաջին կայանը: Այդ ժամանակ էլ ուղերթերի ցուցակում կավելացվի յոթ նոր ուղղություն՝ Սոֆիա, Լարնակ, Սալոնիկ, Միլան, Բեռլին, Մյունխեն, Դորտմունդ:

ԹԲԻԼԻՍԻ ԵՎ ԲԱԹՈՒՄԻ ՄԻՋԵՎ ԱՎԻԱՎԵՐԹԵՐԸ ԿԻՐԱԿԱՆԱՅՆԻ ՂԱՉԱԽԱԿԱՆ SKYBUS-Ը

Ինչպես տեղեկացրել է Վրաստանի էկոնոմիկայի եւ կայուն զարգացման նախարարությունը, Ղազախստանի SkyBus ավիաընկերությունը հունիսի 24-ից սկսել է ներքին չվերթեր իրականացնել Վրաստանում՝ Բաթումի-Թբիլիսի-Բաթումի երթուղով:



Ավիաչվերթերը մինչև սեպտեմբերի 27-ը ներառյալ, սահմանված են երկուշաբթի, չորեքշաբթի եւ շաբաթ օրերին: Թռիչքները կիրականացվեն 50-տեղանոց CRJ-100 տիպի օդանավերով:

Հունիսի 2-ից SkyBus-ը շաբաթական ութ անգամ վարձաչվերթային (чартерный) թռիչքներ է կատարում Վրաստանի եւ Ղազախստանի միջև, որոնք կիրականացվեն ամառային սեզոնի ժամանակ:

ՖՈՒՏԲՈԼ

ԱՌԱՋՆՈՒԹՅՈՒՆԸ ՄՈՏԵՆՈՒՄ Է ԵԶՐԱԳԾԻՆ



UEFA
EURO 2016
FRANCE

Ֆրանսիայի քաղաքներում անցկացվող ֆուտբոլի եվրոպայի առաջնության մրցաշարում ավարտվեցին մեկ ութերորդ եզրափակիչի համոդիպոմենտը եւ մեկնարկեցին քառորդ եզրափակիչի խաղերը:

Մեկ ութերորդ եզրափակիչի արդյունքներով քառորդ եզրափակիչում հանդես գալու իրավունքը նվաճեցին եւ հետեւյալ մրցակցային զույգերը կազմեցին **Լեհաստան-Պորտուգալիան** (ընդ որում՝ այդ հանդիպումն անցկացվեց հունիսի 30-ին եւ 11 մետրանոց հարվածներով հաղթեցին պորտուգալացիները), **Ուելս-Բելգիան** (այս թիմերի հանդիպումը տեղի ունեցավ երեկ գիշեր), **Գերմանիա-Իտալիան** (հունիսի 2-ին), **Ֆրանսիա-Իսլանդիան** (հունիսի 3-ին):

Նշենք, որ մեկ ութերորդ եզրափակիչի անակնկալը Անգլիայի հավաքականի պարտությունն էր Իսլանդիայի թիմից: Այդ փուլում գրանցվեցին երկու խոշոր հաշիվներ՝ Բելգիան 4 անպատասխան գնդակ անցկացրեց Հունգարիայի դարպասով, իսկ Գերմանիան 3:0 հաշվով առավելության հասավ Սլովակիայի նկատմամբ: Իտալացիները մրցաշարից դուրս մղեցին մինչ այդ գործող չեմպիոնին՝ իսպանացիներին, նրանց նկատմամբ առավելության հասնելով 2:0 հաշվով:

ՆԱԽԱԿՐԹԱԿԱՆ ՈԼՈՐՏ

ՄԱՆԿԱՊԱՐՏԵԶՆԵՐՈՒՄ ԳՐԱՆՅՈՒՄԸ ՍԿՍՎԵՅ ՀՈՒՆԻՍԻ 1-ԻՅ

Թբիլիսիի նախադպրոցական դաստիարակության հաստատություններում երեխաների գրանցումը սկսվեց հունիսի 1-ից: Էլեկտրոնային գրանցումը կանցկացվի երկու փուլով:

Ինչպես տեղեկացրել է Թբիլիսիի քաղաքապետարանը, առաջին փուլում հունիսի 1-ից գրանցվում են սոցիալապես անպաշտպան, 100 հազար միավորից ցածր վարկանիշային միավորով ընտանիքի երեխաները, պետական հոգատարության գործակալության մասնաճյուղերի բենեֆիցյարների երեխաները, սոցիալական կարիքավոր երեխաները, ինչպես նաեւ այն ընտանիքների երեխաները,

որոնց մյուս անդամները օգտվում են տվյալ մանկապարտեզի սպասարկումներից: Այդ ցուցակում ավելացված են նաեւ հունիսի 13-ի տարերային աղետից տուժած ընտանիքի երեխաները: Երկրորդ փուլը կնեկնարկի հունիսի 8-ին, բոլոր երեխաների համար:

Վրաստանի նախադպրոցական հաստատություններում ուսումնական տարին կսկսվի սեպտեմբերի 15-ին:

ՀԻՄՆԱԽՆԳԻՐ

ՄՏԵԾԱՆԾՄԻՆԴԱ-ԼԱՐՍ ԱՎՏՈՃԱՆԱՊԱՐԶԻ ՎԵՐԱԿԱՆԳՆՈՒՄԸ ԿՏԵՎԻ ԱՎԵՆԻ ՔԱՆ 10 ՕՐ



Ինչպես արդեն հաղորդել ենք, հորդառատ անձրևներից առաջացած սողանքավտանգ իրավիճակի եւ թերեք գետի վարարման պատճառով, հունիսի 23-ից փակվել է Ստեփանծմինդա-Լարս ավտոճանապարհը:

մար անհրաժեշտ է ընդունել ինժեներական լուրջ որոշումներ:

Փակ անցակետում կուտակված մեքենաները հնարավորության դեպքում կարող են ճանապարհը շարունակել լաստանավերով՝ Փոթիի եւ Բաթումիի նավահանգստներից:

Մասնավորապես, հունիսի 30-ի դրությամբ՝ Բաթումիից դեպի Նովոռոսիյսկ է ուղեւորվել 100 ավտոմեքենա տարողությամբ լաստանավ: Փոթիի նավահանգստից պատրաստվում է շարժվել եւս մեկ լաստանավ՝ 50 ավտոմեքենա տարողությամբ:

Փչացող բեռներով բոլոր ավտոմեքենաները Լարսից արդեն շարժվել են դեպի Բաթումիի եւ Փոթիի նավահանգստներ:

Այն փոխադրողները, ովքեր հրաժարվել են լաստանավով շարունակելու ճանապարհը, Վրաստանի ճանապարհային դեպարտամենտի եւ ոստիկանության աշխատակիցները ուղեկցել են դեպի անվտանգ կայանատեղիներ:

			1		2		3		4		5	
6	7				8	9						
			10									
11								12		13		14
				15	16							
17		18	19					20	21		22	
	23			24		25		26				
	27											
				28				29		30		31
32	33					34	35		36			
			37		38							
39		40		41					42		43	
	44					45						
								46		47		48
49	50		51		52					53		
			54					55				
56					57					58		

Խ Ա Չ Բ Ա Ռ

ՀՈՐԻՉՈՆԱԿԱՆ. 6.Նորվեգիայի մայրաքաղաքը:

8.Սեփական աչքով տեսած, վկա: 10.Կրպակ, վաճառանոց: 11.Կրակի աստվածը հնդկական դիցարանում: 12.Ռուս գրող Վադիմ ...: 15.Վրաստանի ԽՍՀ ժողովրդական արտիստուհի ... Բերդյան: 17.Տպագիր գործի առանձին լույս տեսնող մասերից յուրաքանչյուրը: 20.«Դէ ...»: 23.Ուժեղ սեռ: 26.Տնագուրկ, անօթեւան: 27.Ծերերի օթեւան: 28.Ռուսական ուղեծրային կայան: 29.Հագուստ, սպիտակեղեն: 32.Գետ Լատվիայում: 34.Անձնական դերանուն: 36.Վրացի բանաստեղծ, պետական մրցանակի դափնեկիր ... Աբրամիշվիլի: 38.Կերակրում: 39.Սարի կատար: 42.Իմացական կարողություն, գաղափար: 44.Տարբեր տեսակի: 46.Պորտաբլյուզ: 49.Անհաճո: 52.Ամուսնու եղբայրը: 53.Փշոտ բույս: 54.Օղի (բրբ.): 55.Ռուսական էստրադայի վրացի երգչուհի ... Դուրոկաիա: 56.Տարվա եղանակ: 57.Սեքսիկայի ճարտարապետության Ազգային Ակադեմիայի հիմնադիր՝ Մարիո ... Դարկվի: 58.Հատակ, նաեւ՝ ճակնդեղ (բրբ.):

ՈՐԿԱՆԱՅՈՒՆ. 1.Ծառատեսակ: 2.Հայոց մայրաքաղաքներից: 3.Քուրջ, հագուստ: 4.Վրաց պոռֆեսիոնալ բասկետբոլիստ ... Փաշուկա: 5.Վրացական մարզական թերթ: 7.Գրիմ եղբայրներ՝ «... աղջիկը» (հեքիաթ): 9.Տեսողությունից զուրկ: 12.Նալ: 13.Ըստ ավանդույթի՝ Հին Հռոմի երկրորդ արքան ... Պոմպիլիոս: 14.Ձայնավոր ունեցող հնչյուն: 16.Աղը պակաս, անալի: 18.Կրկես: 19.Դերձակի «գբաղմունք»: 21.Համ չունեցող: 22.Քաղաք Լիբանանում: 24.Տոկունություն, համառություն: 25.Դարձյալ, կրկին: 30.Վրաց դերասանուհի՝ ... Բադուրաշվիլի: 31.Վրաստանը նախկինում: 33.Մարջ: 35.Այս, այս նույն: 37.Մոնոլոգական տիտղոս: 40.Պետություն Աֆրիկայում: 41.Կամիքավոր երաժշտական գործիք: 42.Բաց կապույտ: 43.Ալբանիայի մայրաքաղաքը: 45.Կուսակրոն քահանա: 46.Այծմյան, ժամանակակից: 47.XVIII դարի ծովային ռազմանավ: 48.Գրական ժանր: 50.Չեփված: 51.Բազմությանն ուղղված խոսք: 52.Չափից ավելի շոգ: Կազմեց ԷԼԼԱ ՄԱՐԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ.

1.Սալբի: 6.Օհան: 9.Շահան: 10.Անատոլ: 12.Հարթ: 14.Սոնթե: 18.Մաճառ: 21.Շուշի: 22.Ազնավուր: 24.Ջանի: 26.Սակավ: 29.Անթիվ: 31.Սի: 32.Ամա: 33.Աբաս: 36.Անդրեյ: 37.Տիրանա: 38.Որթ: 39.Արին: 40.Եսենիա: 42.Կուրնկ: 45.ԱՄՆ: 47.Ենա: 48.Ուս: 50.Սիս: 52.Միսակ: 55.Ակ: 57.Թամար: 59.Մաղ: 60.Կորբա: 61.Նալ: 62.Տոնածառ: 63.Եր: 64.Լիպոն: 65.Անի: 66.Պիցցա:

ՈՐԿԱՆԱՅՈՒՆ.

2.Արամ: 3.Բրոմ: 4.Շանթ: 5.Վան: 7.Հնաոն: 8.Թալիշ: 11.Լոգան: 13.Թառ: 15.Երան: 16.Ամուսին: 17.Ջիգի: 19.Արա: 20.Արամ: 23.Ջիտա: 25.Ավանակ: 27.Կարեն: 28.Վարդազ: 29.Արտեկ: 30.Թարխուն: 31.Սաթենիկ: 34.Բար: 35.Սոնա: 41.Են: 43.Ռեհան: 44.Նապալի: 46.Սապալ: 48.Ուն: 49.Սիմոն: 51.Չարենց: 53.Սան: 54.Գոռ: 56.Կար: 58.Մալի: 60.Կարպ: 62.Տոն:

Խմբագիր՝
ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105
Գ.Աթոնելի փ. 5 Հեռ. 2990-739, 2990-774
www.vrastan.ge
E-mail: vrastan@caucasus.net

Գրանցման վկայական
№ 4 4 - 1439
«ԿՈԼՈՐ» իրատարակչություն

“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445